

中書省... 卷之十一... 三

後肅拜云成俊即攬帛而掛于肩上此予目覩之事也其時張順孫  
為承旨姜微為校理此二人皆然而耳聞目覩矣招此二人問之此乃  
儀註外之事而明日乃習禮遣史官問于領相張順孫順孫若以為不  
知則並議于三公又招禮曹郎官使問于姜微徵時為禮曹參判臺諫啓李  
夢麟事不允○癸巳檢詳河繼先以三公意啓曰天方下雨勢似不絕  
且雨雖霽道路泥濕明日行幸事自 上斟酌何如答曰觀稼似早且  
雨下不止之意自 上非不知也但國事多端來月則無暇九月已收  
齊後矣明日宜出東大門殿坐于普濟院亦足以觀稼矣還宮時亦由  
出宮時道路可也○臺諫啓李夢麟事不允○夜坤方有氣如火○甲  
午諫院啓曰雨下不止路道泥濘今日行幸斟酌為之何如且觀稼止  
於普濟院自 祖宗朝所不為之事也且於雨天泥路必欲為觀稼而  
行幸事苟且今日姑停待日候永晴為之何如傳曰依啓○臺諫啓  
李夢麟事不允○布營使尹啟輔京畿觀察使洪彥弼兵曹參知黃憲  
等以齊陵行幸時道路看審事往開城府而還啓曰臣等看審厚陵道  
路則距齊陵十五里而路又極狹甚不合於御行之路且出路於山頂  
者甚多若欲修治則功役甚重且以通濟院為宿所而排離而已則恐